



ՊԱՏԻՎ ՈՒՆԵՄ



ՀԻՄՆԱՎՈՐ ՊԵՏԼԻՔՈՎ ԴԵՊԻ ԱՐՇԱՆԱՊԱՏԻՎ ԾԱՌԱՅՈՒԹՅՈՒՆ

Թիվ 2(43), 17 մարտի, 2022թ.

ՀՀ ՈՍՏԻՎԱՆՈՒԹՅԱՆ ԿՐԹԱՅԱՍԱԼԻՐԻ ՊԱՇՏՈՆԱԹԵՐԹ



Սիրելի՛ կանայք և աղջիկներ,

ՀՀ ոստիկանության կրթահամալիրի և իմ անունից ջերմորեն շնորհավորում եմ Ձեզ Կանանց միջազգային օրվա՝ Մարտի 8-ի կապակցությամբ՝ մաղթելով առողջություն, խաղաղություն, սեր, անձնական և մասնագիտական հաջողություններ ու ձեռքբերումներ:

Բնության զարթոնքն ազդարարող գարնանը Ձեզ նվիրված տոն ունենալը, թերևս, պատահական չէ, քանզի Ձեր անսահման սիրո, տոկունության, ներքին ուժի և ամուր կամքի շնորհիվ է, որ ամուր են մնում հայ ընտանիքի հիմնասյուները:

Անգնահատելի է Ձեր ներդրումը

նաև պետական և հասարակական կյանքի տարբեր ոլորտներում: Այսօր, առավել քան երբևէ, իրականություն է դարձել մասնագիտական բարձր գիտելիքներով ու պատրաստվածությամբ օժտված կնոջ ակտիվ դերակատարումը պետական և հանրային կյանքում, ինչի վառ ապացույցն է պետական կառավարման համակարգում, այդ թվում՝ ոստիկանությունում ծառայող կանանց թվի աճը:

Շնորհակալ եմ ամենօրյա աշխատանքում Ձեր անձնուրաց ջանքերի ու նվիրումի համար, ինչը նպաստում է մեր պետության առաջընթացին ու զարգացմանը:

ԿՐԹԱՅԱՍԱԼԻՐԱՅԻՆ ԱՆՅՈՒԴԱՐՁ

* 2021 թվականի օպերատիվ-ծառայողական գործունեության ընթացքում բարձր ցուցանիշներ ապահովելու և ծառայողական պարտականությունները բարեխղճորեն և բարձր պատասխանատվությամբ կատարելու համար ՀՀ ոստիկանության պետի հրամանով պարգևատրվել են ՀՀ ոստիկանության կրթահամալիրի ուսումնական կենտրոնի հատուկ պատրաստականության կրթաճյուղի ավագ դասա-



խոս, ոստիկանության գնդապետ Է. Մարտիրոսյանը՝ «Օրենքի պատվար» մեդալով, և Ակադեմիայի քրեական դատավարության ամբիոնի դասախոս, ոստիկանության կապիտան Ն. Վարյանը՝ պատվոգրով:

Կրթահամալիրի պետ, ոստիկանության գնդապետ Ս. Մուրադյանը հանձնեց պարգևները և շնորհավորելով ծառայողներին՝ նրանց մաղթեց նորանոր մասնագիտական բարձունքներ և մեծ հաջողություններ:

ՈՉ ՈՔ ՉԻ ՄՈՌԱՑՎԵԼ, ՈՉԻՆՉ ՉԻ ՄՈՌԱՑՎԵԼ



Վերադառնալը մեր բառապաշարի այն բառերից է, որը կարծես նոր սկիզբ, նոր ուրախություն է հուշում, և ականայից պարուրվում ես լավատեսությամբ, վաղվա օրն ավելի լավ ու լուսավոր տեսնելու հույսով:

Հայրենիքին պարտքը տված մեր տղաները զորացրվելուց հետո պետք է շարունակեն ուսումը ՀՀ ոստիկանության կրթահամալիրի ակադեմիայի բակալավրիատի առկա վճարովի ուսուցման 1-ին կուրսում: Նրանք Արցախյան 44-օրյա պատերազմի թոհուրոհից փրկված երջանիկներից են, որոնք կիսամյակն սկսելուց առաջ որոշեցին այ-

ցելել Կրթահամալիրի Փառքի և խոնարհման լսարան ու ծաղիկներ խոնարհել պատերազմում զոհված իրենց կուրսընկերների հիշատակին: Պահը հուզիչ էր, լռությունը՝ խոսուն: Արցունքներն ապառաժի պես ծանրացել էին նրանց աչքերում, բայց պատերազմով անցած տղաներին կյանքն ավելի էր կոփել, ավելի հասունացրել, ուստի զսպելով իրենց ներսի հույզերը՝ զոհված ընկերների լուսանկարների առջև երդվեցին լավ սովորել, իսկ անհրաժեշտության դեպքում պատրաստ լինել՝ դարձյալ կանգնելու հայրենիքի պաշտպանության դիրքերում:

ՀՀ ՈՍՏԻՎԱՆՈՒԹՅԱՆ ԻՐԱՎԱԲԱՆԱԿԱՆ ԿԼԻՆԻԿԱՆ ՀԱՅՏԱՐԱՐՈՒՄ Է

ՀՀ ոստիկանության կրթահամալիրի «Pro bono» իրավաբանական կլինիկայում քաղաքացիների ընդունելությունը կազմակերպվում է յուրաքանչյուր աշխատանքային չորեքշաբթի՝ ժամը 15: 00 –ից մինչև 17:00:

ՀՀ ոստիկանության կրթահամալիրի իրավաբանական կլինիկա կարող է դիմել ցանկացած անձ՝ քաղաքացիաիրավական, քրեաիրավական, արդեն նաև վարչաիրավական հարցերով անվճար խորհրդատվություն ստանալու համար:

Խորհրդատվություն ստանալու համար կարող եք այցելել ՀՀ ոստիկանության կրթահամալիրի իրավաբանական կլինիկայի գրասենյակ՝ ք. Երևան, Ծովակալ Իսակովի պողոտա 29, կամ հարցերն ուղղել legalclinic2021@gmail.com էլեկտրոնային հասցեով:



ԿՐԹԱՅԱՍԱԼԻՐԱՅԻՆ ԱՆՅՈՒԴԱՐՁ



* «Դինամո» մարզական-հասարակական կազմակերպությունում անցկացվեց արագ շախմատի ուստիկանության առաջնությունը, որը կայացավ ՀՀ ուստիկանության մարտական և ֆիզիկական պատրաստականության բաժնի և Երևանի շախմատի ֆեդերացիայի համատեղ ջանքերով: Առաջնությանը մասնակցում էր ՀՀ ուստիկանության ստորաբաժանումների և Արցախի ուստիկանության հավաքական 18 թիմ:

Թիմային պայքարում հաղթող ճանաչվեց ուստիկանության կրթահամալիրի հավաքական թիմը հետևյալ կազմով՝ ՀՀ ուստիկանության կրթահամալիրի քոլեջի պետի տեղակալ, ուստիկանության գնդապետ Ազատ Բաբախանյան, քոլեջի ՄՖՊ ամբիոնի ավագ դասախոս, ուստիկանության գնդապետ Ալբիկ Մինասյան, քոլեջի հասարակական առարկաների և հոգեբանության ամբիոնի դոցենտ, ուստիկանության փոխգնդապետ Արթուր Սարգսյան, Կրթահամա-

լիրի թիմի ներկայացուցիչ՝ քոլեջի ՄՖՊ ամբիոնի ավագ դասախոս, ուստիկանության փոխգնդապետ Էդգար Պողոսյան:

Երկրորդ և երրորդ տեղերն զբաղեցրին ուստիկանության պետական պահպանության գլխավոր վարչության և շտաբի հավաքական թիմերը:

Անհատական պայքարում լավագույնն էր ուստիկանության կրթահամալիրի ներկայացուցիչ Արթուր Սարգսյանը: Առաջնության հաղթողներն ու մրցանակակիրները պարգևատրվեցին դիպլոմներով, մեդալներով, հուշանվերներով և դրամական պարգևներով: Մրցանակները հանձնեցին Երևանի շախմատի ֆեդերացիայի նախագահ Մխիթար Հայրապետյանը, ֆեդերացիայի նախագահության անդամ Արտակ Մամուկյանն ու ուստիկանության մարտական և ֆիզիկական պատրաստականության բաժնի պետ Արմեն Մկրտչյանը:

* Փետրվարի 16-ին տեղի ունեցավ Բելառուսի Հանրապետության Մոգիլևի ՆԳՆ ինստիտուտի կողմից կազմակերպված «Կուրսանտների գիտական փնտրտուք» անվանումը կրող միջազգային կոնֆերանս-գիտաժողովը, որին մասնակցում էին կուրսանտներ Բելառուսի Հանրապետության, Ռուսաստանի Դաշնության, Մոլդովայի Հանրապետության համալսարաններից: Հայաստանի Հանրապետությունից մասնակցում էր ուստիկանության կրթահամալիրի ակադեմիայի առկա անվճար 3-րդ կուրսի սովորող, ուստիկանության սերժանտ Վարդան Եղիզարովը: Կոնֆերանսի սկզբում բացման խոսքով հանդես եկավ Մոգիլևի ինստիտուտի պրոռեկտոր, պատմական գիտությունների թեկնածու, դոցենտ Վլադիմիր Բորիսենկոն, ով նշեց, որ կոնֆերանսին մասնակցության համար ներկայացվել էր 234 հայտ՝ համապատասխան զեկուցումներով, որոնցից ընտրված 9 լավագույններին հնարավորություն էր ընձեռնվել հանդես գալ ելույթներով, որոնց շարքում էր նաև Կրթահամալիրի ներկայացուցիչը: Վարդան Եղիզարովը ներկայացրեց զեկույց՝ «Օտարերկրյա անձանց մասնակցությամբ դատավարության առանձնահատկությունները ՀՀ քաղաքացիական դատավարության օրենսդրությամբ» վերտառությամբ, գիտական ղեկավար՝ Կրթահամալիրի ակադեմիայի քաղաքացիական իրավունքի և քաղաքացիական դատավարության ամբիոնի դասախոս Լուսինե Թասալյան:

ՀՀ ուստիկանության կրթահամալիրի ակադեմիայի սովորող Վարդան Եղիզարովի զեկույցն արժանացավ հատուկ ուշադրության: Ինչպես փաստեց կոնֆերանսի կազմակերպչական կոմիտեն, այն արժարժում էր ոլորտին վերաբերող առավել արդիական հիմնախնդիրներ և արժեքավոր դիտարկումներ:



ԳԱՐՆԱՆ ՍՈՒՏՔԸ ԿԱՆԱՆՑ ՏՈՆԵՐՈՎ

Չկա ավելի հեշտ բան, քան սովորական կնոջը բացառիկ կին դարձնելը: Բավական է սիրել նրան:

Մ.Ս. Սովաժոն

1975 թվականին ՄԱԿ-ը մարտի 8-ը հայտարարեց Կանանց միջազգային օր, որի նախաձեռնողը Կլարա Ցետկինն էր (1910թ. Կոպենհագեն): 1996 թվականից տոնը մեր երկրում չեղյալ է համարվել՝ փոխարինվելով Ապրիլի 7-ով, որը Մայրության և զեղեցկության տոնն է: Հայ կանայք մեկ օրով սահմանափակվել չցանկացան և մարտի 8-ը համարեցին իրենց տոնական միամսյակի սկիզբը: 2001 թվականին Մարտի 8-ը տոնացույցում վերականգնվեց, և մինչև Ապրիլի 7-ն ընկած ժամանակահատվածն ընդունված է համարել կանանց միամսյակ:

Գարնան ամենապայծառ տոներից է այս, քանի որ կանայք իրենց էությանը գարուն և կյանք են: Տոնն ինքնին ծաղիկների, նվերների ու բարեմաղթանքների սպասում է:

Ասում են՝ կինն ու գարունը չեն տարբերվում միմյանցից, իսկ երբեմն նույնիսկ նույնանում են: Կինն ու գարունը միաձուլվել են, որովհետև երկուսն էլ կախարհիչ են և արարող: Գարունը հենց կինն է՝ միշտ ծաղկող, իսկ կինն իր էությանը գարուն է՝ հանելուկներով և անակնկալներով լի: Գարունը նոր կյանքի, զարթոնքի, վերածննդի սկիզբ է, հողից նոր գլուխը հանող և աշխարհին զարմանքով նայող ծաղիկ է, արևի ջերմ շողերը կլանող կանաչ է, թռչունների քաղցր ծվլոց, և գարունն առանց կանանց հնարավոր չէ պատկերացնել: Այո՛, կինը նոր կյանք տվող, կյանքին նոր իմաստ հաղորդող էակ է: Կնոջը պետք է մեծարել, հարգել և սիրել միշտ՝ անկախ տոնից: Ծաղկառատ այս տոնը ևս մեկ անգամ առիթ է, որպեսզի տղամարդիկ վերագնահատեն և իմաստավորեն իրենց կողակիցներին, որպեսզի երեխաներն առավել հոգատար և ուշադիր լինեն իրենց մայրերի, քույրերի և տատիկների հանդեպ: Գեղեցիկ ավանդույթ է մեկ ամիս շարունակ կանանց մեծարելը, քնքուշ ու հաճելի խոսքեր ասելը, նրանց հոգատարությամբ շրջապատելը, քանզի նրանք արժանի են ամենազեղեցիկ խոսքերի ու ծաղիկների: Սակայն լավ գիտակցում ենք, որ նման հոգատարությունը չպետք է սահմանափակվի միայն մեկ ամսով: Հայ կանայք ցանկացած պահի և ցանկացած իրավիճակում տղամարդկանց կողքին են, նրանց նեցուկն ու հավատարիմ ուղեկիցն են: Չկան ոլորտներ, որտեղ հնարավոր է հաջողություններ գրանցել առանց կանանց գործունե մասնակցության: Գարունը սեր է և սիրո սպասում: Գարունը կին է, քույր ու մայր: Գարնան բոլոր գույներն ու հրապույրները կնոջ մեջ են: Բոլոր ժամանակներում արվեստագետներն իրենց ստեղծագործություններում գարունը նույնացրել են կնոջ, նրա հմայքի ու զեղեցկության հետ: Յուրաքանչյուրի գարունը յուրովի է գալիս, սակայն բոլոր գարունները միավորողը եթերային զգացումներն են ու սերը, սերն աշխարհի ու մարդկանց նկատմամբ: Գարունը լավ անակնկալների սրտատրոփ սպասման եղանակ է: Միայն գարուն բառից մարդու հոգին ջերմանում է, ծիծաղը՝ ծաղկում, հույսը՝ ծիածանվում, ներաշխարհը՝ փոթորկվում: Գարունը հոգու զարթոնք է՝ արարումների նուրբ լույսով լեցուն: Երբ հոգուն գարուն կա, սիրտը բերնբերան լիքն է, ինչ-որ բարի գործ է արվում, հաղթահարվում են անհնարին թվացող պատենշները, սիրում են և ձգտում լինել սիրված...

Կինը երջանկության հրավեր է: Կնոջ հմայքը, բարությունը, խելքը, հոգու զեղեցկությունն ավելի են զեղեցկացնում և զորեղացնում նրան: Կինը պետք է միշտ ձգտի կատարելության և լինի օրինակելի: Իսկ կատարյալ դառնում է մայրանալով: Մայրացած կինը կարծես հաղորդակից է դառնում Աստծուն, նրանից զորավոր ուժ ստանում: Այո՛, մայրերն ամեն ինչ զեղեցկացնելու առանձնահատուկ ծիրք ունեն: «Մայրերի ավերի մեջ պետք է փնտրել ազգի փրկությունը»,- այսպես է մեծարել հայ մայրերին Գարեգին Նժդեհը:

Հայ մայրն իր նվիրումով ու պտղաբերությամբ, սիրով ու աշխատասիրությամբ ազգի շառավիղը շարունակողն է: Հայուհին պետք է դառնա ինչպես իր ընտանիքի, օջախի ամուր սյունը, այնպես էլ բոլորիս տան՝ մեր հայրենիքի հաստատուն հենասյունը:

Սիրելի՛ կանայք, Անահիտ աստվածուհու օրհնությամբ մաղթում են, որ արժանանաք մայրանալու և պտղաբերումի զգացումին, Նանե աստվածուհու օրհնությամբ զգաք տիեզերահաս ողջախոհության կատարելությունը, Աստղիկ աստվածուհու օրհնությամբ հասնեք մեծ սիրո և այդ սիրո ջերմությունը վայելելու քնքշանքին:

Շնորհավոր մեր տոնը, սիրելի՛ կանայք: Մայրեր, քույրեր, տատիկներ, միշտ եղեք սիրված և գնահատված: Անսահման սեր ու երջանկություն Ձեզ:

Թող միայն պայծառ և զեղեցիկ գարունները թագավորեն Ձեր ջերմ հոգիներում:

ուստիկանության ավագ լեյտենանտ
Լիանա Խրշոյան

ՆԿԻՐՈՒՄ, ՈՐ ԴԱՐՁԱԿ ԶԱՎԱՏԱՄՔ



Օ աղկազատ դաշտերով, վետ-վետուն ջրերով և գիշերային աստղաշաղախ երկնքով բնության գրկում ծնված մանկան գունա-ռատ օրն սկսվում է արևի՝ աչքեր խողտացնող ճառագայթների խաղով և ավարտվում հանդից տուն եկող ընտանի կենդանիների մա-յուն-բառաչով, ու այդ հեքիաթի մեջ ապրելով՝ թվում է՝ մանկությունն անվերջ է, կյանքը՝ հավերժա-կան: Սակայն դպրոցի առաջին զանգը կտրում է մանկության հե-քիաթից, և գիտելիքների աշխար-իը դառնում է առաջնային ու կարևոր: Հաճախ էլ մանկության հուշերն ուղղորդում են մարդուն՝ նրան միշտ պահելով մի քիչ մա-նուկ: Ոմանք երագուն են դառնալ օդաչու, ոմանք՝ բժիշկ կամ տնտե-սագետ, իսկ այսօրվա իմ հերոսը դեռ մանկուց է երագել ոստիկանի մասնագիտության մասին: Ամեն ինչ սկսել է ռուսական մի դետեկ-տիվ ֆիլմից, որն անջնջելի հետք է թողել տակավին պատանի Վար-դանի վրա (այսպես է իմ հերոսի անունը), ով այդ օրվանից անվե-րապահորեն որոշեց դպրոցը հա-

ջողությամբ ավարտել, ստանալ մասնագիտական պատշաճ կրթու-թյուն և կյանքը կապել ոստիկա-նության հետ: Տարեկիցներից շա-տերը մինչև դպրոցն ավարտելը մի քանի անգամ փոխեցին իրենց որոշումները, բայց Վարդանը եր-բեք չերկմտեց ու մինչև վերջ մնաց հավատարիմ իր ընտրությանը:

2002թ. ավարտեց միջնակարգ դպրոցը և հաջողությամբ հանձնե-լով ընդունելության քննություննե-րը՝ ընդունվեց ՀՀ ոստիկանության ակադեմիա: Այսօր էլ Վարդան Վարդանյանը լավ է հիշում իր երդ-ման արարողությունը, հիշում է՝ ինչպիսի հպարտությամբ էր կանգ-նել շարքում, անգամ այսօրվա պես հիշում է հուզմունքից թրթռա-ցող սիրտը, ոտքերի հաճելի դողը, առաջին համազգեստը... Երկու տարի ապրեց և սովորեց զորանո-ցային պայմաններում՝ մեկտեղե-լով միանգամից երկու շատ կարևոր բան՝ ուսումը և ծառայու-թյունը: Դասից դուրս, երբ ազատ ժամանակ էր ունենում, հաճախ էր մտածում, թե որքան բան է փոխ-վել իր կյանքում, որքան շատ են ձեռքբերումները, ինչքան գիտե-լիքների պաշար ունի արդեն:

Հիասթափության պահեր, դժ-վարություններ ևս եղան, սակայն անկոտրում երիտասարդն ամուր էր կառնած երազանքների ոսկեթև արծվից, որը պետք է նրան պահեր բարձունքներում, որպեսզի երա-զանքները չտողային երկրի վրա, այլ թևավորված ճախրեին ու հա-վետ մնային ճախրանքների մեջ:

«Չեմ ասի՝ հեշտ էր երբեք տնից հեռու չապրած, ազատություն սի-րող երիտասարդի համար, բայց հաստատակամորեն գնում էի երազանքներիս հետևից, ու դա ինձ հույս էր ներշնչում, ուժ էր տա-լիս՝ դիմակայելու ամեն տեսակի մարտահրավերների: Չէ՞ որ դժվա-րությունները կոփում և ձևավոր-ում են իսկական տղամարդ, իսկ, ըստ իս, ոստիկանը տղամարդու մասնագիտություն է»,- թեթևակի ժպտալով՝ ասում է իմ հերոսը: Նա խոսում էր, իսկ ես նկատում էի նրա աչքերի փայլը, որն ասես իր մեջ մի քիչ թախիծ, կարոտ ու ավստանք ուներ՝ լույսով շաղախված:

2007թ. ավարտեց ակադեմիան և հողի վրա ամուր կանգնած երի-տասարդը մտավ մեծ կյանք՝ հա-վերժ հրաժեշտ տալով մանկու-թյան հուշերին ու պատանեկան խենթություններին՝ մնալով, սա-կայն, մի քիչ մանուկ, մի քիչ «խենթ»:

Վարդան Վարդանյանն աշխա-տանքային մկրտությունն ստա-ցավ ՀՀ ոստիկանության Երևան քաղաքի վարչության Երեբունու բաժնում, որտեղ նշանակվեց որ-պես քրեական հետախուզության բաժանմունքի օպերիվազոր, մեկ տարի հետո՝ նույն բաժանմունքի ավագ օպերիվազոր, իսկ 2013 թվականից՝ Նոր Նորքի բաժնի Ավանի բաժանմունքի պետ: Ծա-ռայության ժամանակ ցուցաբե-րած անմնացորդ նվիրումի, բարձր կատարողականության, պահանջ-կոտության և կարգապահության արդյունքում երիտասարդ ոստի-կանը 2016թ. նշանակվեց ՀՀ ոս-տիկանության Կոտայքի մարզա-յին վարչության Կոտայքի բաժնի

պետ: Նվիրյալ ոստիկանը հիշում է՝ երբ առաջին անգամ պետ նշա-նակվեց, ամբողջ գիշեր աչքերին քուն չեկավ, չկարողացավ ձերբա-զատվել իրար հաջորդող փոթոր-կուն մտքերից, բայց դա ուրախու-թյունից չէր, այլ մեծ, շատ մեծ պա-տասխանատվությունից, մինչև վերջ շարքում մնալու և պատվով ծառայելու անհազուրդ ցանկու-թյունից:

ՀՀ ոստիկանության պետի 2020թ. նոյեմբերի 9-ի հրամանով Վարդան Գևորգի Վարդանյանը նշանակվեց ՀՀ ոստիկանության քրեական ոստիկանության գլխա-վոր վարչության պետի պաշտոնին: Մինչ այդ որտեղ ծառայել է Վար-դանյանը՝ թե՛ Ավանի բաժանմուն-քում, թե՛ Մասիսի բաժնում, թե՛ Տա-վուշի մարզային վարչությունում, բարձր է պահել հայ ոստիկանի պատվը ու արժանապատվույնը, ծառայել է՝ օրենքի տառին հա-մապատասխան, արժանապատ-վությունը հավատամբ դարձրած:

Տարիների վաստակ ունեցող ոստիկանը պարգևատրվել է ՀՀ ոստիկանության մեդալներով, կրծքանշաններով, սակայն իր բազմաթիվ պարգևների ու խրա-խուսանքների շարքում առավել շատ սիրեց ՀՀ ոստիկանության պետի կողմից որպես խրախու-սանք տրված անվանական զենքը: Իմ հերոսը չափազանց զուսպ է և՛ խոսքի, և՛ շարժումների մեջ, բայց մասնագիտության մասին խոսելիս աչքերը փայլում են մի առանձնա-հատուկ փայլով, որն էլ վայրկեան-կան փոխանցվում է խոսակցին:

Ամուսնացած է, երկու զավակ

ունի, սակայն ժամանակ չունի նրանց հետ զբաղվելու, յուրա-քանչյուր պահ զգալու նրանց ապ-րեցնող ներկայությունը. ծառայու-թյունն իր պահանջներն է թելադ-րում: Երբ հարցրի, թե կցանկա-նա՞ր իր զավակներին տեսնել ոս-տիկանի ուսադիրներով, մի քիչ հապաղելուց հետո ասաց. «Ինչ-պես քիչ առաջ ասացի, ոստիկանի մասնագիտությունը արական մաս-նագիտություն է, ուստի տղայիս դեպքում չեմ առարկի, իսկ դստերս հարցում կհամաձայնեմ միայն, եթե ինքը շատ ցանկանա»:

Իր մասնագիտությունը հարգող բարձրաստիճան ոստիկանին չէր կարող չհետաքրքրել հարազատ բուռը, նրա առաջնահերթություն-ները:

Բարձր գնահատելով ՀՀ ոստի-կանության կրթահամալիրի դերն ու նշանակությունը նոր ոստիկանի կերպարի կերտման, գրագետ մասնագետներ պատրաստելու գործում՝ իմ հերոսը մեծապես կարևորեց սովորողների աշխա-տասիրությունը, նպատակասլա-ցությունը, մասնագիտական կա-րողությունների և հմտությունների ձեռքբերումը, հայոց լեզվին պատ-շաճ տիրապետելը և ինք-նակրթվելու մեծ ձգտումը:

Վերջում ոստիկանության գնդապետը պատգամ հղեց սովորողներին՝ հիշեցնելով Կրթահա-մալիրի կարճ, բայց բովանդակա-լից կարգախոսը՝ ՀԻՄՆԱԿՈՐ ԳԻՏԵԼԻՔՆԵՐՈՎ ԴԵՊԻ ԱՐԺԱՆԱՊԱՏԻՎ ԾԱՌԱՅՈՒԹՅՈՒՆ:

Ռ. Մուսաբեյլան
Լեզուների ամբիոնի դասախոս

ՊԱՏՎԱԲԵՐ ԵՎ ՊԱՏԱՍԽԱՆԱՏՈՒ

«Կրթահամալիրի սովորողները» խորագրով նոր նախագծի շրջանակներում այս անգամ զրուցել ենք ՀՀ ոստիկանության կրթահամալիրի ակադեմիայի իրավագիտության ֆակուլտետի առկա անվճար ուսուցման 1-ին կուրսի սովորող, ոստիկանության ավագ սերժանտ Նաիրի Զիլարյանի հետ:

- Գնացի՞նք...
- Խոսենք Նաիրիից... Որպես խորագիր երեք նախադասությամբ պատմի՞ր քո մասին:
 - Սիրում եմ հայրենիքս, ծննդավայրս, ընկերասեր եմ և հավատարիմ: Փորձում եմ լինել առավելագույնս իրատես, ճշտապահ և աշխատասեր: Մարդկանց մեջ զնահատում եմ բարությունը, անկեղ-ծությունն ու նպատակասլացությունը, տանել չեմ կարողանում սուտն ու դավա-ճանությունը:
 - Նաիրի, մաքուր հայկական արմատ-ներ ունեցող անուն. ի՞նչ է հայրենիքը քեզ համար:
 - Ինձ համար հայրենիքն այն անգինն ու արժեքավորն է, ինչը պահպանելու հա-մար ես ապրում եմ և ինչը պաշտպանելու համար կտայի կյանքս...
 - Դրվագներ, որ տպավորվել են ման-կության տարիներից:
 - Առանձին դրվագներ դժվարանում եմ մտաբերել, բայց կարող եմ ասել, որ ակ-տիվ ու հետաքրքրասեր երեխա էի, միշտ ձգտում էի բացահայտել ու սովորել նորը:
 - Իսկ որո՞նք էին մանկությանդ տարի-ների խաղերը:
 - Մանկությանս խաղերը բազմաթիվ և բազմազան էին, լի աշխուժությամբ ու չարաճծիություններով՝ բացառությամբ «ախմատային դիմակայությունների», որ միշտ ընթանում էր պապիկիս՝ իմ ան-հաղթելի մրցակցի դեմ:
 - Ինչպիսի՞ն էին դպրոցական տարի-ները:
 - Ինչպես նպատակներ, որն իրականաց-նելու համար հենց այս մասնագիտու-թյունն անհրաժեշտություն է:

- Դպրոցական տարիները բավակա-նին հետաքրքիր և բացահայտումներով լի էին: Ունեցել եմ գերազանց առաջադի-նություն, ակտիվ մասնակցել եմ դպրո-ցում կազմակերպվող միջոցառումներին ու մրցույթներին:
- Գիրք, ո՞ր գիրքն է, որ երկրորդ ան-գամ կընթերցես:
 - Գիրքը մի չբացահայտված աշխարհ է, որն օգնում է քեզ բացահայտել աշ-խարհը... Ինձ համար չգերազանցված է Գ.Նարեկացու «Մտյան ողբերգության» պոեմը, որը ոչ թե երկրորդ անգամ, այլ միշտ կընթերցեի:
 - Խոսենք նախասիրություններից, ի՞նչն է, որ մի քանի ժամով քեզ կտրում է իրական կյանքից:
 - Նախասիրություններից կառանձ-նացնեմ ընթերցանությունը, սպորտով զբաղվելը, ճանապարհորդելը, պատմու-թյուն և հոգեբանություն ուսումնասիրե-լը: Իսկ իրականությունից ես կտրվում եմ ընթերցանության շնորհիվ:
 - Ինչի՞ մասին էիր երագում պատանե-կության տարիներին:
 - Երագանքներս բազմաթիվ էին, սա-կայն միշտ ձգտել եմ լինել ծնողներիս համար արժանի զավակ, հայրենիքիս՝ պիտանի մարդ և կլինեմ այդպիսին...
 - Ինչպե՞ս ընտրեցիր այս մասնագի-տությունը:
 - Ունեմ նպատակներ, որն իրականաց-նելու համար հենց այս մասնագիտու-թյունն անհրաժեշտություն է:

- Իրավաբանություն. երեք բառով նկարագրի՞ր՝ ինչ է քեզ համար այն:
 - Անաչառություն, պատասխանատ-վություն, մարդասիրություն:
 - Ուսանողական տարիներ. ինչպի-սի՞ն է Կրթահամալիրում ուսանողական կյանքը:
 - Չմայած իր դժվարություններին՝ ու-սանողական կյանքը բավականին հե-տաքրքիր է ու շատ պատասխանատու, քանի որ Կրթահամալիրը տալիս է ձևավորվելու և ինքնադրսևորվելու լայն հնարավորություններ:
 - Եթե հնարավորություն տրվեր փո-խելու մասնագիտությունդ, ի՞նչ կընտրե-իր:
 - Որպես երկրորդ մասնագիտություն՝ ես կընտրեի հոգեբանի մասնագիտու-թյունը:
 - Ի՞նչ խորհուրդ կտաս նրանց, ովքեր ցանկանում են ընտրել Կրթահամալիրը:
 - Խորհուրդ կտամ բարձր պատասխա-նատվությամբ մոտենալ իրենց ընտրու-թյանը, ջանք ու եռանդ չխնայել ավելին սովորելու և պատրաստ լինել մասնագի-տությունից բխող բարդություններին:
 - Ո՞րն է կյանքի շարժիչ ուժը քեզ հա-մար:
 - Ինքնակատարելագործման ձգտու-մը...
 - Թե՛մա, որի շուրջ անդադար կխոսես:
 - Մարդկային արժեքներ և կարողու-թյուններ...



Քիչ հարցեր Պատասխանում ենք կարճ և արագ:

- Միտք, որն առաջինը ծագում է արթ-նանալիս:
 - Շնորհակալ եմ, Տե՛ր, բարի առավոտ-վա համար, թող օրս ևս լինի բարի:
 - Օրդ սկսում ես ժամը...
 - Ժամը 8:00:
 - Սիրածդ աֆորիզը:
 - Նայիր առաջ, գործի՛ր և նպատակը դարձրու՝ իրականություն...
 - Սիրելի զբաղմունքը:
 - Ընթերցանությունը:
 - Արձա՞կ, թե՞՞ չափածո:
 - Արձակ:
 - Խորհուրդ, որը կտայիր:
 - Ապրել գիտակցաբար...
 - Իսկ վերջում... (ավելացրու՛ այն, ինչ մտքով անցնում է այս պահին)

Գնահատի՛ր այն, ինչ ունես, և կլինես զնահատված...

Սիրելի՛ սովորողներ, ստորև Ձեզ ենք ներկայացնում Մայրենիի օրվա կապակցությամբ հայտարարված շարադրության մրցույթում հաղթած աշխատանքը:

Շնորհավորենք հեղինակին՝ Կրթահամալիրի ակադեմիայի իրավագիտության ֆակուլտետի 1-ին կուրսի սովորող Սյուզաննա Սարուխանյանին, և ցանկանանք նորանոր հաջողություններ ունան բնագավառում:

ՄԵՐ ԶԱՂՑՐԱԲԱՌ ՀԱՅՈՑ ԼԵՁՈՒ

*Մրգաստանի մը նման կսիրենք քեզ, հայ՛ լեզու...
Մեր հայրենի պալատեն, պարտեզներեն մնացորդ՝
Դալարազեղ դուն պուրակ, որ դիմացար դարերու
Եվ կմնաս միշտ առույգ հին ավիշով կենսահորդ:*

Վահան Թեքեյան

Մեր ժողովրդի դարավոր պատմությունը լավագույնս հաստատել է հայոց սրբությունների՝ հայրենիքի, մայրենի լեզվի և սրբություն սրբոց հավատի եռամիասնության պատվական և կենսահաստատ լինելը: Դարերի խորքից մշտապես աղբյուրի պես հոսող հայոց լեզուն իր հետ բերում է մեր հեռավոր, շնորհաշատ ու իմաստուն նախնիների՝ գալիք սերունդներին ավանդած պատմամշակութային մի մեծ ժառանգություն:

Հայ բիբլիական ժողովուրդը հավերժանում է իր ազգային անանց արժեքներով, մայրենի լեզվով:

Աշխարհում գոյություն ունեցող շուրջ 2000 լեզուների շարքում մեր մայրենին իր փառահեղ տեղն ու դիրքն ունի: Այն աշխարհի ամենաճոխ լեզուներից է: Յուրաքանչյուր ժողովուրդ ճանաչվում է իր մայրենի լեզվով: Այն հայ ժողովրդի մեծագույն հարստությունն է:

Շատ բան է խել մեզնից թշնամին բարդելով վերքին վերք ու անարգանք, կտրել է նաև արմատից լեզուն, բայց նա հառնել է փյունիկի նման ու դարձել դարերի պատմության խոսուն վկան:

Մենուպ Մաշտոցի և Սահակ Պարթևի շնորհիվ թարգմանված Աստվածաշունչը փառահեղ թարգմանություն է, որն իր լեզվական շքեղությամբ, ամեն մի խոսքի ու բառի անխաթար մոտեցմամբ իրավամբ համարվում է թարգմանությունների «թագուհի»:

Հայոց լեզուն հայապահպանության գլխավոր գեներ է, մեր գոյության հիմնասյունը, ազգային միաբանության կարևոր առիավատչյան, համագազային, համապետական արժեք, ուստի նրան կատարյալ անհրաժեշտ է հատուկ հոգացողություն, որը պետք է արտահայտվի բոլորիս ջանքերի արդյունավետ ու շահագրգիռ համադրմամբ:

Այսօր մեր երիտասարդության մեծ մասն ունի մի մեծ թերություն՝ հայերեն բառերը գրել լատինատառ՝ ուշադրություն չդարձնելով ուղղագրությանը, կետադրությանը, բառակազմությանը: Սահուն նախադասություն գրելիս անհնչյուն մտքում, աղավաղելով մեր գեղեցիկ հայերենը, անհնարին է դառնում զգացմունքայնության արտահայտումը, իսկ գեղեցիկ մտքի զգացմունքային արտահայտումը հնարավոր է միայն մեր ոսկեդեմիկ հայերենով՝ հայատառ գրելու միջոցով:

Վաստակածի իրավունքով տեր լինենք մեզ վերապահված ժառանգություններին և նվիրյալ ծառայությամբ լծվենք այդ վեհ գործին: Մայրենիի անաղարտության պահպանումը յուրաքանչյուրիս սուրբ գործն է: Իսկ լեզուն պահպանվում է գործածելով: Պետք է մտածենք, խոսենք, գրենք, կարդանք, երգենք մաքուր հայերենով, չխառնենք մեր գեղեցիկ լեզվին օտար

բառեր, քանի որ հայերիս համար հայ մնալու առաջին գրավականը հայերենն է:

Անգլիացի մեծ բանաստեղծ Ջորջ Բայրոնը շուրջ մեկ տարի Սուրբ Դավար կղզում՝ Մխիթարյան միաբանությունում, սովորեց մեր առաջին գրոց լեզուն՝ գրաբարը, և այն անվանեց աղոթքի լեզու: Այն իր երգեցիկ շարականներով մինչ օրս հնչում է Սուրբ տաճարներում:

Կոչ են անում՝ լինենք արժանի ժառանգորդը մեր աղոթքի լեզվին, միահամուռ, հավաքական ուժով պահպանենք մեր լեզուն՝ մեր ամենաթանկ գանձը, հավատարիմ մնանք մեր ազգային արժեքներին, խոսենք գեղեցիկ ու անաղարտ հայերենով, օգտագործենք միջազգային եզրույթների և այլալեզու բառերի հայերեն համարժեքները, հնչեցնենք անապական ոսկեդեմիկը, քանզի «Հայոց լեզուն տունն է հայու»:

ՀԵՏԱԶՐԵՒՐ Է

Կապիտան բառը հայերենում եվրոպական փոխառություն է՝ ռուսերենի միջնորդությամբ, որը նշանակում է գորահրամանատար, այսինքն՝ զինվորական միավորի գլխավորը: Իսկ այժմ իմաստի նեղացմամբ՝ զինվորական համապատասխան աստիճանը:

Յուրաքանչյուր դպրոցական նույնիսկ գիտի, որ կապիտանից աստիճանով անմիջապես բարձր կոչումը մայորն է: Այս բառը ևս նույն ճանապարհով է մուտք գործել հայերենի մեջ: Լատիներեն այն նշանակում է մեծ, ավագ:

Կիլիկյան հայկական թագավորության շրջանում (1080-1375թթ.) մեր նախնիներն ունեին բանակի սպառազինման և մատակարարման գծով հրամանատարի պաշտոն, որ անվանում էին մարաշախտ, որն արևմտահայերենում նույնությամբ օգտագործում են, ինչպես՝ մարաշախտ Բաղրամյան: Այն փոխառված է ֆրանսերենից, որն էլ ստուգաբանորեն նշանակում է ծիու ծառա:

Ժամանակակից հայերենի մարշալ բառը ուրիշ բան չէ, քան նույն բառի կրկնակի փոխառությունը՝ այս անգամ ռուսերենի միջնորդությամբ: Ուրեմն մարաշախտ կամ մարշալ բառը ստուգաբանորեն նշանակում է ծիու ծառա:

ԼՈՒԾԵՆՔ ԽԱՉԲԱՈՒՆ

- Սկզբունք, որով վարչական մարմինն իր լիազորություններն իրականացնելիս պարտավոր է գործել այնպես, որպեսզի առանց իր լիազորությունների կատարմանը վնասելու՝ առավել սեղմ ժամկետում առավել բարենպաստ արդյունքի հասնելու համար ապահովի իր տնօրինմանը հանձնված միջոցների առավել արդյունավետ օգտագործումը:
 - Իրենց լիազորություններն իրականացնելու համար միմյանց աջակցություն ցուցաբերելու վարչական մարմինների պարտականություն:
 - Վարչական ակտի տեսակ, որն իր մեջ պարունակում է անձի համար ինչպես բարենպաստ, այնպես էլ միջամտող վարչական ակտերով սահմանվող դրույթներ:
 - Գրավոր ձևի վարչական ակտի տարատեսակ:
 - Գործողության անվանումը այն դեպքում, եթե որևէ գործողություն կատարելու վերաբերյալ վարչական ակտով նախատեսված պարտականությունը պարտավոր անձը չի կատարում, բայց դրա կատարումը հնարավոր է մեկ այլ անձի կողմից, ապա կատարողական մարմինը կարող է վերջինիս հանձնարարել կատարելու այդ գործողությունը պարտավոր անձի հաշվին:
 - Օրենքով կամ այլ նորմատիվ իրավական ակտով սահմանված կարգի խախտմամբ իր իրական կամ ենթադրյալ իրավունքներն ինքնակամ (ինքնագուլիս) իրականացնելը, որը չի պատճառել էական վնաս անձանց իրավունքներին կամ օրինական շահերին կամ խոշոր վնաս՝ պետական կամ հասարակական շահերին:
 - Համապատասխան օրենսգրքով սահմանված հողվածի անվանում, որով սահմանվում է, որ կրկնրետ «օրենքի» ընդունմամբ վարչական իրավախախտում կատարած անձը կարող է լրիվ կամ մասնակիորեն ազատվել վարչական պատասխանատվությունից, իսկ վարչական տույժի ենթարկված անձը կարող է լրիվ կամ մասնակիորեն ազատվել ինչպես հիմնական, այնպես էլ լրացուցիչ վարչական տույժից:
- Սիրելի՛ սովորողներ, խաչբառի պատասխանները կարող եք ներկայացնել վարչական իրավունքի և ոստիկանության վարչական գործունեության ամբիոն:*

ԱՄԵՂՃԱԳՈՐԾՈՒՄ ԵՆ ՄԵՐՈՒՔ



ՀԱՅԻ ՍԻՐՏԸ

Տե՛ս, ոտնակոխ իմ սիրտն ահա՛
Շղթայակապ, լացող ու լլկված,
Անցել է նա մի մեծ ճամփա՛
Ոսոխներին հաղթանակած:


Իմ սիրտը խոցել են, փորձել են այրել,
Իսկ ցեղն իմ համառ՝ ջարդել, ավիրել,
Սակայն սիրտն իմ երբեք չի պարտվել,
Ինչքան էլ վառել, բայց չի մոխրացել:

Տեսել է մեծ ջարդ, տառապած աչքեր,
Արյամբ ծովացած դաշտեր ու հանդեր,
Որդու գալուստին սպասող մայրեր,
Թաքուն ողբացող դեռատի հարսներ:

Բայց ազգս համառ է, ապրել է, կապրի,
Չի դառնա երբեք ոսոխի գերի,
Քանզի զավակն է դյուցազուն Հայկի,
Ամեն ոք գիտի ուժը մեր բազկի...

Սիրտս այրվում է, բայց չի մոխրանում.
Դարավոր ազգիս փարոսն է դառնում:
Տե՛ս, խոցված սիրտս հուսալառ ահա
Բռնել է ուզում նոր փառքի ճամփա:

Մարո Խիզանաշվիլի
Ակադեմիայի
իրավագիտության ֆակուլտետ



ՄԵՐ ԼԵՁՈՒՆ

Մեր լեզուն նման է սգավոր մի մոր,
Լացում է ամեն բառի կարոտից,
Սակայն չի մեռնում, փյունիկ է
դառնում,

Որքան էլ ընկնի, միշտ վեր է հառնում:
Լեզուն նման է աղետի հզոր,
Նրա հանդեմ անգամ մահն է անգոր,
Նրան չի հաղթում ո՛չ սուր, ո՛չ էլ հուր:

Մեր լեզուն Դավթի բերնով է խոսել,
Մայր Արաքսի հետ ծնվել է, հոսել,
Մեր լեզուն դարձել է մշտավառ
փարոս,

Նրանով է խոսել ամեն մի հերոս:
Լեզուն է ծնել իրավունք և ուժ,
Նա է տարածում ավետիս ու գույժ,
Նրանով ենք մենք ապրել, արարել,
Այսպիսի հրաշք հայրենիք կերտել,
Նրանով ենք մենք Մասիսը ելել
Ու վեհ գագաթին դրոշ ծածանել:

Մելիքա Ավետիսյան
Ակադեմիայի
իրավագիտության ֆակուլտետ